

Holande; qui multis commissis preliis contra regem Conradum, filium predicti Friderici apostate, et aliquibus captis munitionibus et castellis, innumeras perpressus est insidias et dolores. Innocentius vero summus pontifex pro tuicione ecclesiasticæ libertatis, se ad omne discrimen obitiens, ecclesieque Dei persecutionibus commoriens, exactionibus inauditis et importunis cepit omnem ecclesiam et monasteria enormiter exhaurire, ita quod vicenariam, deinde denariam partem omnium reddituum et decimarum in donativis milicie sibi dari ab omni ecclesia et monasteriis compelleret, eos vero qui negarent excommunicationis sententia percelleret; cardinales vero hinc, summus pontifex inde, tam in vicenario quam in denario, tam in pensionibus quam in procuracionibus et subventionibus, in mille A libras [ecclesiam ** nostram] gravaverunt **. Cui igitur mirabiles essent elationes maris et mirabiles in altis Dominus (Psal. xcii, 6), statuit procellam ejus in auram, et ille, qui imperat ventis et mari, imperio suo imperavit, imperatori ne imperaret; humiliavit enim eum is, qui est ante secula, qui humiliat omnem altitudinem extolentem se adversus scientiam Dei. Nimis enim oppresserat et in conculcationem dederat ecclesiam Dei. Præterea ille Fridericus, qui vehementi scismate turbaverat urbes et regna concusserat, corruit cum Daga, sortem habiturus cum Chore, Dathan et Abiron, quorum imitatore se fecit, ecclesias in Christi contumeliam conculcando et ipsorum bona depulando. Quo defuncto, dominus papa Mediolanum B repedavit (an. 1250).

ANNALES

SANCTI VITONI VIRDUNENSIS.

96. Pass'o sancti Dyonisii. Sanctus Sanctinus cum Antonino ex precepto beati Dyonisii post martyrium ipsius Romam tendens angelica visitatione edoctus, ad urbem Clavorum, que Viridunum dicitur, divertit; verbum Dei civibus predicans, multos convertit et ecclesiam in honore beati Petri construens et consecrans, ab ipsis christianis quos converterat episcopus eligitur primus.

360. His temporibus post vastationem Hunorum ecclesie refloruerunt, et Pulchronius, discipulus Lupi Treccasini episcopi, ecclesie Viridunensi 5. episcopus preficitur.

503. Transitus sancti Firmini episcopi Viridunensis. Cui a Clodoveo rege beatus Vitonus substituitur, et intronizatur in sede pontificali.

518. Annunciatio sancti Agerici.

528. Transitus beati Vitoni Viridunensis episcopi.

554. Ordinatio ** episcopatus sancti Agerici.

602. Obiit sanctus Agericus; succedit Caramerus.

688. Pipinus, Ansegisi filius, cepit regnare. A D cujus temporibus beatus Madelveus duravit usque ad tempora Karoli Magni.

Iste Pipinus dux et illuster princeps Francorum cum uxore sua illustra matrona Plectrude dederunt ecclesie Sancti Vitoni villam Paridam cum pertinentiis suis cum silva spaciosa que Nauca sancti Vitoni dicitur, anno septimo Childeberti regis.

758. Obiit sanctus Madelveus episcopus Viridunensis.

771. Petrus Viridunensis episcopus instituitur.

795. Obiit Petrus episcopus Viridunensis; succedit Austrannus.

800. Obiit Austrannus episcopus Viridunensis; succedit Herilandus (82),

817. Obiit Hildinus Viridunensis episcopus; succedit Hatto.

915. Combusta est ecclesia Sancti Vitoni Viridunensis liba: ** memerie sanctorum.

920. Obiit Dado episcopus Viridunensis; succedit Bernoynus.

941. Obiit Bernoynus episcopus Viridunensis; succedit Berengarius, Ottonis imperatoris consanguineus.

952. De monasterio Sancti Vitoni pelluntur clerici, subrogantur monachi sub abbate Huberto (83).

958. Obiit Berengarius episcopus Viridunensis; succedit Wicfridus, qui fundavit ecclesiam Sancti Pauli Viridun.

986. Obiit Wicfridus episcopus Viridunensis; succedit Adelbero.

990. Obiit Adelbero episcopus Viridunensis; succedit Heymo, qui fundavit monasterium monialium Sancti Mauri.

VARIE LECTIONES.

** superscr. 1. ** gravaverint 1? ed. ** ornatio cod. ** ita cod., fortasse: vigilia.

NOTÆ.

(82) Hæc iis supplenda sunt quæ ex antiquiore ejusdem codicis parte jam supra IV, p. 7 edita sunt.

(83) V. Chartam Berengarii episcopi apud Roussel, Probb. p. 2.

1005. Obiit Fingenius abbas Sancti Vitoni; succedit Richardus.
1025. Obiit Heymo, episcopus Virdunensis; succedit Raymbertus, qui fundavit monasterium Sancti Agerici.
1039. Obiit Raymbertus episcopus Virdunensis; succedit Richardus.
1046. Obiit Richardus abbas Sancti Vitoni; succedit Walerannus. Obiit Richardus episcopus Virdunensis; succedit Theodericus.
1048. Civitas Virdunensis a duce Godefrido et Balduino capitur, depredatur, et una cum monasterio Sancte Marie incenditur.
1049. Obiit beatus Odilo abbas Cluniacensis. Dedicata est ecclesia beate Marie Magdalene a Leone papa IX.
1056. Obiit Henricus imperator; succedit Henricus puer.
1060. Obiit Walerannus abbas; succedit Grimoldus.
1064. Sancti Bartholomei capella cum atrio dedicatur. Et stella que dicitur cometa apparuit; quo etiam anno Haroaldus Anglorum rex interimitur, succedente Willermo.
1069. Obiit Godefridus dux, filius Gozelonis ducis; succedit filius ejus Godefridus Gibbosus dictus.
1071. Obiit Ermenfridus canonicus et edificator ecclesie Beate Marie Magdalene.
1075. Rodulfus dux invasit Saxoniam.
1076. Obiit Godefridus minor dux; succedit Godefridus qui dicitur Bulloniensis.
1077. Rodulfus abbatii Grimoldo succedit. Gelu validum 4 mensibus continuum.
1078. Obiit Grimoldus abbas.
1079. Bellum in Saxonia, ubi Rodulfus dux interimitur a Henrico minore.
1080. Translatum est corpus domni episcopi Richardi, et sepultum est ante chorum in novam basilicam Sancte Marie.
1082. Seditio magna inter regnum et sacerdotium. Pro qua a monasterio sancti Vitoni per septennium monachi sunt expulsi, scilicet usque post mortem Theoderici episcopi Virdunensis.
1086. Bellum in Sathanaco.
1087. Obiit Willermus dux Normannorum et rex Anglorum. Victor papa. Translatio sancti Nicholai in Bar.
1088. Obiit Theodericus episcopus Virdunensis; succedit Richerus, et Urbanus papa.
1091. Obiit Herimannus Mettensium episcopus.
1095. Consecratio Richeri episcopi. Concilium episcoporum pene totius orbis, exceptis Lothoringis Alcmannis Baugariis, apud Clarummontem Avernie est congregatum.
1097. Stella que dicitur commeta apparuit.
1098. Obiit Urbanus papa; succedit Pascalis papa.
1099. Obiit Rodulfus abbas; succedit Laurentius Jherusalem a duce Godefrido Bulloniensi et a christianis capitur.
1106. Imperatori Henrico patri mortuo Henricus succedit.
1107. Richerus episcopus obiit; cui succedit Richardus electus.
1111. Monasterium Sancti Vitoni expulsiis monachis a Richardo episcopo desertum. Henricus, filius Henrici dicti regis, Romam quasi pape Pascali satisfactorus veniens, ipsum cum cardinalibus infra beati Petri ecclesiam tradicionem cepit et in cenosa loco trusit.
1114. Monachi Sancti Vitoni ad monasterium redeunt post mortem Richardi episcopi. Vacavit episcopatus tribus annis semis.
1116. Succedit episcopus Henricus Virdunensis.
1117. Bellum ante Virdunum comitum Raynaldi et Willermi. Obiit Pascalis papa; successit Gelasius.
1118. Obiit Balduinus rex Jerosolimitanus.
1119. Obiit Gelasius papa; succedit Kalistus secundus.
1120. Civitas Virdunensis a comite Raynaldo capitur, et maxima pars urbis cum monasteriis Sancti Salvatoris, Sancti Petri Sanctique Agerici incenditur et spoliatur.
1122. Cives Virdunenses comiti Henrico de Grandi Prato hanc urbem per tradicionem reddiderunt; a quo aliquanto tempore possessa, multa mala ibi commisit.
1124. Concordia facta est inter regnum et sacerdotium.
1125. Obiit Kalixtus papa; succedit Honorius. Henricus quintus imperator obiit; succedit Lotharius dux Saxonie.
1129. Henricus episcopatum reddidit. Orsio abbas Sancti Dionisii Remensis eligitur.
1130. Obiit Honorius papa; succedit Innocentius **.
1131. Orsio episcopatum renunciavit, et Adelbero archidiaconus eligitur et die sancto pasche Parisius consecratur ab Innocentio papa.
1132. Turris Virduni capitur et evertitur.
1138. Obiit Lotharius imperator; cui succedit Conrardus.
1139. Obiit Laurencius abbas Sancti Vitoni; Segardus successit.
1142. Obiit Segardus abbas; cui Cono successit.
1143. Innocentius papa obiit; succedit Celestinus.
1144. Obiit Celestinus papa; Lucius successit.
1145. Obiit Lucius papa; Eugenius succedit tertius.
1147. Eugenius papa corpus beatissimi Patris Vitoni in ipsius die festivitatis in novo feretre

VARLE LECTIONES.

** ita c. scripsit.

transposuit, et in die festivitatis Sancti Martini ecclesiam Beate Marie dedicavit.

1150. Obiit Eugenius papa; succedit Anastasius, et postea Adrianus. Combustum est monasterium Sancte Marie Magdalene et maxima pars urbis.

1152. Obiit Corardus rex Romanorum; succedit Fredericus dux Elisatii.

1153. Bellum ante Mozon, ubi Mettenses interierunt. Ascalona capta a christianis. Rex Lotharingorum Fredericus perrexit Romam ad imperium dilatandum.

1156. Ordinatio Alberti episcopi duobus annis ante obitum Adelberonis.

1158. Obiit Adelbero episcopus Virdunensis.

1161. Obiit Adrianus papa; succedit Alexander III.

1163. Obiit Albertus episcopus Virdunensis et monachus Sancti Vitoni; succedit Richardus dictus Infans.

1171. Obiit Richardus electus Virdunensis; Arnoldus succedit. Passus est sanctus Thomas Cantuariensis episcopus.

1178. Obiit Cono abbas Sancti Vitoni, qui turres lapideas et locum thesauri dictum fieri iussit et feretrum sancti Vitoni compleri. Cui succedit Richerus.

1179. Richerus spontanea voluntate finitur; succedit Allestannus junior, et ipso anno obiit; cui successit Allestannus senior.

1181. Obiit Arnoldus episcopus Virdunensis sagitta in capite percussus ante castrum de Sancta Manehulde; Henricus succedit.

1182. Obiit Alexander papa; succedit Lucius papa.

1183. Allestannus senior abbatie renunciavit; Thomas abbas Maurimontis subrogatur.

1186. Obiit Lucius papa; succedit Urbanus. Henricus episcopatu renunciavit, et Albertus eligitur.

1187. Thomas abbas renunciavit; Hugo succedit. Obiit Urbanus papa, et Gregorius succedit: qui eodem anno obiit; succedit Clemens.

1189. Obiit Fredericus imperator; succedit filius ejus Henricus.

1190. Obiit Clemens papa; succedit Celestinus.

1194. Fames valida adeo ut frumentum precio 4 librarum venundaretur.

1197. Obiit Celestinus papa; succedit Innocentius tertius. Hugo abbas prelature cessit; cui Stephanus succedit; qui paralisi percussus abbatie renunciavit eodem anno. Lodoicus in abbatem eli-

gitur, frater Alberti episcopi Virdunensis. — Obiit Henricus imperator; cui succedit Philippus.

1200. Capta est Constantinopolis a Francis et a Venetis, et Balduinum comitem Flandrie imperatorem constituunt.

1208. Philippus rex nondum imperator est interfectus a palatino; succedit Otto comes; qui postquam consecratus est mandatis Innocentii pape imperans excommunicatus dis depositus est regia dignitate, et sublimatus est imperio Fredericus dux Apulie. Sedicio magna orta Virduno, cives consurgentes in clericos, clerici in cives, et multa mala perpetrantes; ad ultimum obiit Albertus episcopus lancea interemptus; cui succedit Robertus primicerius.

1216. Convocatum est Rome generale concilium, et ibi cruce signatus est imperator Fredericus. Obiit Innocentius papa; succedit Honorius.

1217. Obiit Robertus episcopus Virdunensis; succedit Johannes de Aspero-monte; qui fundavit monasterium Sancti Nicolai in Prato. Factum est incendium hujus civitatis Virdunensis a gradibus Sancte Marie et ab Ancelini vici porta usque ad pontem Brachioli, generaliter a muro usque ad murum.

1222. Obiit sanctus Dominicus inventor ordinis Predicatorum.

1224. Johannes Virdunensis episcopus episcopatu renunciavit, transiens ad episcopatum Mettensem; cui Radulfus de Torta succedit, cantor de Lyons (84). Lodoicus abbas Sancti Vitoni tabulam argenteam ante majus altare fieri iussit. Gregorius papa Fredericum imperatorem movit, ut cum exercitu suo, qui jam pridem cruce signatus erat, ad exterminandos fidei christiane inimicos Jerosolimis proficisceretur.

1226. Obiit Honorius IX, papa; succedit Gregorius.

1227 pugna inter Radulfum episcopum Virdunensem et inter cives ii.

1232. Canonizatus sanctus Dominicus inventor fratrum Predicatorum.

1237. VIII Idus Marcii Lodoicus abbas senio fessus abbatie resignavit, qui opus sumptuosum monasterii inchoaverat, et anno sequenti obiit. Cui Guillelmus abbas Sancti Mansueti electione succedit, olim monachus Sancti Vitoni; qui in eodem opere sumptuoso, in edificiis domorum et capelle, in capsis sanctorum, in campanis optimis et maximis, et in acquisitione fundorum fidelissimus inventus est, sicut et predecessor ipsius.

1241. Obiit Gregorius papa; succedit Celestinus sedit diebus 18; vacat per triennium sedes.

VARIÆ LECTIONES.

⁹⁹ hæc in codice abscis: suppleri. ⁹⁹ sic c.

NOTE.

(84) Laon.

1243. Succedit Innocencius in papatu.

1245. Obiit Radulfus episcopus Virdunensis; successit Guido de Triagnet; qui eodem anno obiit; cui Guido de Melloto succedit. Seditio magna inter ipsum et cives Virdunenses extitit; pace facta, eodem anno transivit ad Altissiodorensis episcopatum; cui succedit Johannes de Aix.

1253. Obiit Innocencius papa; Alexander succedit. Obiit Johannes d'Aix electus Virdunensis diaconus; cui ex provisione domni pape Jacobus archidiaconus Laudunensis succedit, natione Gallicus ex civitate Trecensi.

1256. Jacobus Virdunensis episcopus ex pape precepto translatus est ad patriarchatum Jerosolimis; cui succedit Robertus Mediolanensis.

1259. Obiit Guillelmus abbas. Vacavit sedes per octo annos, durante lite inter duos electos, videlicet Dominicum prepositum et Radulfum priorem Montis Sancti Martini, qui tamen obtinuit; et propter hoc sumptuosum opus monasterii cessavit, multis impetitionibus⁹⁸ et dampnis per eum huic ecclesie factis. Obiit Alexander papa; successit Jacobus prefatus Virdunensis episcopus patriarcha Jerosolimis, dictus Urbanus papa IV, qui sollempnitatem sanctissimi sacramenti instituit.

1264. Obiit Urbanus papa; succedit Clemens.

1265. Karolus comes Andegavensis, frater Ludovici regis Francie, dux exercitus christianorum, devicit Maufridum totius christianitatis inimicum.

1267. Obiit Clemens; succedit Gregorius.

1270. Obiit sanctus Ludovicus Francorum rex.

1271. Obiit Robertus II, episcopus Virdunensis; successit Ulricus de Satanacho⁹⁹, prepositus beate Marie Magdalene.

1272. [Obiit⁹⁷] Gregorius papa; succedit Innocencius.

1273. Obiit Ulricus episcopus Virdunensis; post hunc vacavit sedes per tres annos.

1276. [Obiit⁹⁷] Innocencius papa; [succedit⁹⁷] Adrianus papa, et inde Johannes. Succedit in episcopatu vero Gerardus de Grandissono.

1277. Obiit Johannes papa; succedit Nicolaus.

1278. Obiit Gerardus de Grandissono episcopus Virdunensis; succedit frater ejus Henricus de Grandissono.

1281. Obiit Radulfus abbas; succedit Johannes.

1286. Obiit Johannes abbas; succedit Tiericus. Obiit Henricus de Grandissono episcopus Virdunensis; vacavit per 4 annos.

1290. Succedit in episcopatu Virdunensi Jacobus de Revigneyo clericorum generalissimus.

A 1292. Obiit Tiericus abbas; Gobertus elemosinarius eligitur; sed Philippus Dorne prior de Corbigny⁹⁸.

1296. Obiit Jacobus II, episcopus in curia Romana, qui ibi ierat propter discordiam quam habebat contra cives Virdunenses. Succedit Johannes de Richeri-curte dictus de Aspero-monte III¹⁰⁰.

1297. Obiit Philippus abbas; succedit Hugo de Remis.

1302. Obiit Johannes de Richeri-curte episcopus Virdunensis; succedit Thomas de Albo-monte.

1303. Obiit Hugo abbas Sancti Vitoni; succedit Baudocus de Failleyo, prior de Munau.

1305. Obiit Baudocus abbas; succedit Nicolaus Maisel celerarius. Obiit Thomas episcopus Virdunensis; successit Nicolaus de Nova-villa super Horne (85).

1312. Nicolaus episcopus Virdunensis resignavit oneri sui episcopatus; cui succedit Henricus de Aspero-monte.

1314. Obiit Henricus de Lucembourge imperator, qui in perceptione eucaristie et in administratione⁹⁹ sanguinis Christi veneno apposito in calice intoxicatus est in Italia.

1316. Obiit Nicolaus abbas Sancti Vitoni; cui succedit Symon de Nanceyo, prior Flaviniaci. Magna fames et maximo mortalitas hominum.

1318. Obiit Symon de Nanceyo abbas Sancti Vitoni; cui succedit Theobaldus de Bazelle, prior de Munau.

1319. Obiit Theobaldus abbas Sancti Vitoni; succedit consanguineus ejus Erardus de Bazelle; qui debita et impinoraciones¹⁰⁰ suorum predecessorum delevit.

1325. Archidiaconus Treverensis, rex Boemie, comes Barenensis et dux Lothoringie cum eorum comitatu ter in anno fuerunt ante Meten. Propter hoc Patries¹ tota fuit combusta.

1332. Facta sunt tonitrua et corruscaciones in crastino nativitate Domini. Majores civitatis Virdunensis a communitate civitatis religati fuerunt.

1336. Conbuserunt cives Virdunenses villam de Buxey (86), et ipsi redeuntibus, ad pontem de Way (87) multi fuerunt occisi et vulnerati a Barenisibus, et Virdunensis episcopatus per tradicionem¹⁰⁰.

1340. Erardus abbas Sancti Vitoni fieri jussit duas majores medias campanas².

1346. Rex Anglorum prope Cuxci (88) debellavit, regem Francorum, et ibi occubuerunt rex Boemie, dux Lothoringie et alii multi principes.

1349. Obiit Henricus episcopus Virdunensis;

VARIE LECTIONES.

⁹⁸impitionibus c. ⁹⁹saranacho in cod. legi; Savinaco Labb. ⁹⁷deest c. ⁹⁸sc. obtinuit. ⁹⁹amnistatione c. ¹⁰⁰ita c. 1-2 ¹patres c. patria ed. ²capanas c.

NOTÆ.

(85) *Neuvill-sur-Orne* in Barrensi territorio.
(86) *Buzy*.

(87) *Warc. Reuss*.
(88) Prælium apud Cressy intelligitur.

Heinricus de Germiny eligitur. Ille non fuit confirmatus. Obiit Erardus abbas Sancti Vitoni; Bastianus prior Calidi-fontis eligitur; sed Raymundus Dachic gratia sedis apostolice obtinuit.

1353. Raymundo abbati succedit Gerardus de Voudenayo gratia sedis apostolice. Qui bona monasterii Marie³ dissipavit, census et redditus obligavit, litteras et cartas summe necessarias impignoravit, homines et subditos depauperavit et suis bonis spoliavit, redditus ipsius in tercia parte minoravit ac in aliis 26 milibus Francis et ultra dampnificavit, ac ipsum monasterium in tantam redegit paupertatem, quod vix in anno duodecies matutine cantabantur in eo. Qui omnia⁴ parcat sibi Deus et indulgeat.

1381. Obiit Gerardus de Vodenay abbas Sancti Vitoni; cui succedit Johannes de Tric, prior Flaviniaci.

1382. Obiit Johannes de Tric abbas Sancti Vitoni; succedit Heinricus de Passavant dictus le Champenroy, prior Calidi-fontis, qui impinoraciones et debita sui predecessoris valde minoravit.

1391. Obiit Heinricus abbas bonus gubernator; Reginaldus Pallardelli gratia sedis apostolice succedit, monachus Sancti Michaelis.

1403. Obiit Leobaldus de Cusancia episcopus Viridunensis; Johannes de Sarraponte, filius domini Johannis de Commarceyo militis, succedit; qui multa passus fuit incommoda per predones et aliquos vassallorum episcopatus Viridunensis, sibi iniue et sine causa illata.

1413. Ignis in vigilia festivitatis sancti Vitoni in meredionali campanili neglectus liquefecit duas grossiores campanas; quas abbas Reginaldus anno sequenti restauravit.

1417. Obiit Reginaldus abbas; succedit nepos ejus. [Obiit⁵] Stephanus Burgensis, elemosinarius Sancti Vitoni, rector fidelissimus.

1420. Translatus est Johannes de Sarraponte ad episcopatum Cathalaunensem per permutationem factam inter ipsum et Ludovicum de Bar cardinalem episcopum Portunensem, ducem Barrensem, marchionem de Ponte, dominum de Cassel et administratorem episcopatus Viridunensis.

1430. Stephanus abbas de minori campana Reginaldi abbatis dirupta fecit majorem. Obiit Ludovicus de Bar cardinalis et episcopus Viridunensis; succedit Ludovicus de Harracourt, cantor Viridunensis.

1431. Stephanus abbas Sancti Vitoni ex illo ma-

gnifico et sumptuoso antiquo opere ecclesie Sancti Vitoni, per Lodoicum et Guillelmum abbates incepto et ad maximam ruinam deducto, legimine carente, meliores capiendos lapides, aliud novum incepit et usque ad meridianum portale introitus communis hinc inde compleri fecit, cum suis veris volturis et coopertura decenti.

1436. Translatum est corpus Lodoici abbatis ab antiquo opere in novum sub altari Sancte Marie ad caput.

1437. Dedicata sunt 4 altaria priora novi operis vi Kal. Junii. Ludovico Viridunensi episcopo obtinendo episcopatum Tullensem, Guillelmus abbas Sancti Theoderici⁶ prope Remis auctoritate apostolica succedit in episcopatu Viridunensi

1438. Fames valida.

1448. Stephanus abbas 4 columnas cupreas emit.

1449. Permutando Guillelmus episcopus Viridunensis transivit ad episcopatum Tullensem. Et Ludovicus episcopus Tullensis rediit Viridunum; quem bene rexit.

1454. Mortalitas ypidimie in Viriduno 2500 hominum.

1452. Stephanus abbas Sancti Vitoni obiit. Johannes de Arenceyo camerarius eligitur; sed 15 mensibus elapsis a sede apostolica dejicitur ad instantiam domni Guillermi Hugonis cardinalis, cui administratio tribuitur; post novem menses Anthonius de Serieres⁷ prior Flaviniaci ab eo extraxit, dando annualem pansionem 400 ducatorum aureorum.

1454. Cessavit opus nove ecclesie Sancti Vitoni.

1455. Obiit idem dominus Guillelmus cardinalis et pancio ejus.

1456. Obiit Ludovicus episcopus Viridunensis; Guillelmus de Harracourt, consanguineus ejus, propositus Montis-falconis, succedit.

1461. Obiit Karolus Francorum rex; succedit filius ejus Ludovicus. Anthonius abbas, majori campana abbatis Stephani dirupta, restauravit. Et duas cappas sericas auro et argento contextas emit. Obiit Johannes de Arenceyo, olim electus⁸ Sancti Vitoni, camerarius et prior Calidi-fontis.

1463. Renovatum fuit analogium et tota sepultura octo Viridunensium pontificum in cimiterio hujus monasterii Sancti Vitoni quiescentium olim et antiquitus ante majus altare.

1475. Obiit Anthonius abbas hujus loci.

1476. Mors Caroli Burgund. apud Nanceium.

1481. Obiit Matheus abbas; succedit Gerardus⁹.

VARIE LECTIONES.

³maie c. ⁴regit deesse videtur. ⁵deest ed. ita ut Stephanus Reginaldi nepos dicatur. ⁶theoderi c. ⁷Senecey ed. ⁸ita legi videtur. ⁹sequentia aliis manibus addita sunt ¹⁰quæ post hunc annum variis sac. XVI, XVII et XVIII manibus usau d. a. 1742 scripta sunt omisi.